

Tillögur að breytingum á starfsreglum deildar leiðsögufólks í VR

- í tengslum við fyrsta aðalfund 2025

Tillögur eftir greinum starfsreglna:

2. gr. Tilgangur

...

Núgildandi: *"Eiga frumkvæði að og stýra faglegri þróun leiðsögustarfsins"*

Breytist svo: „*Eiga frumkvæði að og stýra faglegri þróun leiðsögustarfsins*“, m.a. með hliðsjón af Evrópustaðli ÍST EN 15565:2008 að því er varðar nám í almennri leiðsögn.

Skýring á breytingu: Ráðuneyti menntamála setur Evrópustaðalinn sem viðmið þegar kemur að mati á menntun leiðsögumanna í almennri leiðsögn. Það er því ekki við hæfi að hunsa viðmiðið í 2. gr. starfsreglna um tilgang deildar leiðsögufólks í VR.

4. gr. Stjórn

I.

Núgildandi: *"Varamenn skal kjósa til tveggja ára"*

Breytist svo: Varamenn skal kjósa til eins árs.

Skýring á breytingu:

Sú nýbreytni að varamenn skuli kosnir til tveggja ára stendur í vegi fyrir endurnýjun í stjórn. Þau sem kosin eru í varastjórn hafa ekki náð kjöri í aðalstjórn og því eðlilegt að greiða leið fyrir ný framboð með því að kjósa varamenn einungis til eins árs.

Við vekjum athygli á að 6 karlar og einungis ein kona eiga sæti í aðalstjórn deildarinnar og til að leiðrétta kynjamismun því réttast að greiða leið fyrir endurnýjun, í stað þess að torvela hana með þaulsetu varamanna.

II.

Núgildandi: *"Tveir stjórnarmenn eru tilnefndir sem fulltrúar sinna hópa: Félag ökuleiðsögumanna tilnefnir einn og Félag fjallaleiðsögumanna tilnefnir einn."*

Breytist svo: „*Tveir stjórnarmenn eru tilnefndir sem faglegir fulltrúar sinna hópa*“: Faglærður leiðsögumaður með nám að baki sem fullnægir kröfum Evrópustaðalsins ÍST EN 15565:2008 skal tilnefndur í stjórn af félagsmönnum á aðalfundi deildarinnar. Þá skal Félag fjallaleiðsögumanna tilnefna einn stjórnarmann.

Skýring á breytingu:

Þegar litið er til 2. gr. starfsreglna um tilgang deildarinnar sker í augu að faglærðir leiðsögumenn með menntun í almennri leiðsögn sem uppfyllir Evrópustaðal skuli ekki eiga sér fastan fulltrúa í stjórn deildarinnar. Til samanburðar velur Félag fjallaleiðsögumanna sér fulltrúa í deildina á grundvelli sérmenntunar á sviði fjallaleiðsagnar og er það í takt við 2. gr. Það sama ætti að gilda um leiðsögumenn með nám að baki í almennri leiðsögn enda stór hluti faglærðra leiðsögumanna með sérmenntun á því sviði.

Ekki verður séð að það að leiðsögumaður hafi réttindi til að aka hópferðabil hafi með tilgang deildarinnar að gera, sbr. 2 gr. Eðlilegra væri að skipa starfshóp um hagsmunamál ökuleiðsögumanna innan deildarinnar en að félagið skipi fulltrúa í stjórn hennar. Þess má geta að ökuleiðsögumenn skipa meirihlutann í stjórn deildar leiðsögufólks.

5. gr. Nefndir

Núgildandi: *"Ef skipuð er nefnd þarf hún að hafa fast ákveðinn tilgang og markmið".*

Breytist svo: 5. gr. Starfshópar

Þegar skipaðir eru starfshópar um tiltekin verkefni sem leiða má af tilgangi deildarinnar, 2. gr., skal semja erindisbréf sem felur í sér verkáætlun og gerir grein fyrir samsetningu starfshópsins, ásamt áætluðum verklokum. Erindisbréf starfshópsins skal birta á vefsvæði deildar leiðsögufólks.

Skýring á breytingu:

Erindisbréf skýra og afmarka verkefni. Þau eru þarft verkfæri í vinnu starfshópa og algeng leið til að gera vinnu þeir hnitmiðaðri.

6. gr. Aðalfundur og félagsfundir

...

Núgildandi:

"Boðun félagsfunda:

Félagsfundir eru haldnir þegar stjórn deildarinnar álitur þess þörf eða ef minnst 50 fullgildir félagar óska þess."

Breytist svo:

"Boðun félagsfunda":

Félagsfundir eru haldnir þegar minnst 3 stjórnarmenn í deildinni telja þess þörf eða ef minnst 15 fullgildir félagar óska þess skriflega að halda slíkan fund.

Skýring á breytingu:

Í starfsreglum deildar leiðsögufólks í VR er svigrúm félagsmanna til að krefjast félagsfundar minnkað með því að hækka tölu þeirra félagsmanna sem til þarf til að krefjast félagsfundar svo um munar. Í lögum Leiðsagnar var tala þeirra 20. Í reglum deildarinnar eru þeir nú 50 sem samsvarar því að 17% félagsmanna þurfi til að krefjast félagsfundar. Hjá VR er þessi tala 1%, sbr. 25. gr. laganna.

Talan 50 er því hvorki í samræmi við það sem tíðkast, né það sem var.

Skv. upplýsingum sem fram komu á fundi með starfsmönnum VR fyrir stuttu eru fullgildir leiðsögumenn í VR +/- 300 en voru fyrir sameininguna um 1200, sem þýðir að félagsmönnum hefur fækkað um +/- 900. Talan 50 hefur því heldur ekki tengingu við þá miklu fækkun sem orðið hefur á fjölda félagsmanna eftir sameininguna við VR.

Þegar litið er til þess að hlutföllin voru áður 20/1200 en eru í dag 50/300 blasir við að hér er verið að skerða lýðræðisleg réttindi félagsmanna og torvelða þeim að nýta rétt sinn til að beita áhrifum sínum, ef þurfa þykir.

Við undirrituð teljum brýnt að sporna við því að réttur félagsmanna til áhrifa verði gerður að engu. Sitjandi stjórnir félagasamtaka starfa jú í umboði félagsmanna en ekki öfugt. Þess vegna fyrrgreind breyting á 6. gr.

Virðingarfyllst,

Atli Sigurðarson

T-póstur: atli@arex.is

Guðný Margrét Emilsdóttir

T-póstur: gudny.margret.emils@gmail.com

Sigrún H Pálsdóttir

T-póstur: sigrunhpalsdottir@gmail.com

- leiðsögumenn og fullgildir félagsmenn í VR og deild leiðsögufólks í VR